

摘藻堂四庫全書薈要

集部

欽定四庫全書薈要

集部

御製文初集卷二十

三五

詳校官原任編修臣徐立綱



欽定四庫全書薈要卷一萬三千二百六十二

集部

御製文初集卷二十三

賦

五六天地之中合賦

以敬授民時聖人所先為韻

萬物其繁盛羌孰體夫天心兮伊誰契乎地柄揭造化  
之元樞兮示羣生以金鏡粵若宓犧畫卦而知一元之  
廣運亦越周文繫彖而明三才之有正於焉定歲序乎

星辰總以握網維於祗敬爾其渾淪初分經緯斯究奇  
全偶半地天恰配乎朔南兼兩函三剛柔各居其左右  
積五位以相乘合六爻而互就置閏則道在歸奇積榮  
則法惟用九載在周禮屬太卜之攸司稽乃虞書實義和  
之所授孰云一三二四之當前與夫七九八十之應後  
此蓋陰陽定位其運乃神至聖觀象用以前民來復而  
知履端於子交泰而識建統於寅覘氣候於十有二月  
驗歲差於三百六旬彼夫土圭銅渾之是製保章馮相

之所陳或北陸而成歲或東嵎以紀春豈能外大衍之  
名數總萬有之紛綸若乃衍母衍子各殊其用大餘小  
餘不紊其時雖月窟天根眇忽難窮其象罔而乾維坤  
絡翕闢自著其端倪天五得其中也地六從而合之五  
挈陽樞五五二十五數而不忒六維陰紐六六三十六  
宮而咸宜於以協大中之運於以定保合之規乃其變  
化相尋權輿斯定天數六為用而五為體倍其五兮天  
干盈地數五為君而六為臣重其六兮地支竟氣降為

味兮聿觀大化之所由敷民受以生兮乃識萬彙之所  
從孕圖呈龍馬兮妙用洩造物之奇象著龜書兮至瑞  
應憲天之聖辨方辨卦定至定分六甲為日五子維辰  
十一而道畢六十而數均極其數兮遂定天下之象通  
其變兮遂成天地之文陽奇陰偶兮合而言之曰易天  
圓地方兮中而處者惟人茲五六之迭乘兮實行生之  
橐籥惟中合之妙構兮顯天地之網緼於是順布五行  
修和六府言乎理兮健順統會乎苞符言乎器兮權度

不差乎素乘用布令於提陬遂紀元於章部占鳥火虛  
鼎而定歲功乘震兌坎離以致時序豈其事事而為之  
則物物而為之所哉重曰居寰中以御極兮道在節宣  
察璣衡以齊政兮聖人我先愧參贊之靡易兮凜若冰  
淵顧民事之綦重兮時罔或愆敷五典與六職兮取法  
自然期無逸以勤恤兮欽若昊天

恭祝

聖母皇太后萬壽無疆賦

有序

伏聞累洽重熙光啓壽昌之運垂恩儲祉慶延慈  
訓之隆惟懿德在躬以至仁為茂育斯降年有永  
自諸福之駢臻我

聖母崇慶慈宣皇太后

化協乾樞

恩周坤絡

興媯佐譽申錫久而長發其祥

明德宣仁垂裕深而並受其福茲值仲冬之月欣逢



萬壽之期禹甸春回堯封慶洽集衣冠於萬國率拜舞  
於千官共稱北斗之觴竊擬南山之頌謹拜手稽  
首而獻賦曰

惟坤德之無疆乃自天而凝命既體順以承乾適鍾祥  
而行慶王母受介福遠垂義易之文京室紀徽音載詠  
周詩之盛禮崇尊養會下國之共球律轉陽和運中天  
之璣鏡桃熟三千之候受日舒長山呼萬歲之聲慈雲  
高映占南極之光華奉

東朝之溫清擁佳氣於蓬萊共欽瞻於

慈聖

徽號極域中之尊至仁為天下之

母配天而虔奉三無應地則含宏九有永彌性以優游  
介繁禧而昌後竊欣

膝下之承歡就養無方於左右黃裳中正開

長信而禮洽宮廷

彤幄輝光出丹泉而瑞盈郊輶挹天酒以潤芳護迴

鳳輦而縈宮柳臨華渚以逍遙邁斗維之悠久於時律中  
黃鍾日臨婺女驗添線於金針候吹葭於玉呂恭逢誕  
聖之辰正協履長之序聲傳絳幘尚衣初進雲裘光暎  
朱霞列樹猶然彩炬引

璇宮之法駕盛儀衛於鈞陳振丹陛之元音應鏗鐸於  
鐘虞雲開扇影瞻

寶座而奏瑤箋香裊鑪烟啟芳筵而斟桂醕躬舞蹈以  
奉觴循玉除而容與歡騰薄海慶溢敷天曠代之苞符

輻輳殊方之寶賁駢闐九葉金芝吐榮華於天秀萬年  
玉冊銘琬琰以神鏤雲綃呈織女之機七襄錦麗寶鬋  
綴仙人之珥四寸珠圓饌龍根而待御擘麟脯以烹鮮  
紫府之瓊漿若醴華岑之碧藕如船盡入充庭之貢並  
登介壽之筵若乃車書南北尉候西東競厠身於朝列  
隨稽拜於臣工共晉九如之祝羣欽萬福之同聽仙韶  
之應節覲瑞靄之浮空鳳舞鸞歌奏鈞天而陳廣樂雲  
蒸霞蔚揖金女而拜木公花滿瑤池之上籌添海屋之

中信上元之資福縣景祚於無窮

臣祇奉

母儀儼同天覆幸當清晏之期喜值文明之晝游觀上苑効扶侍於

鸞輿瞻望

春暉煥斑斕於舞袖天開有道之祥星紀長庚之宿仰  
純嘏之緝熙兮荷貽謀之孔厚愧頌飭而莫罄兮願福  
祿之永茂自今以始兮八千春長祝

慈闈兮無量壽

建福宮賦

居寰中以御物凜

天命兮難謹懼大業之弗勝恒乾惕兮小心戒峻宇與雕  
墻鑒酒池兮肉林愧饑溺其未解遑安逸兮是尋乃者新  
宮落初玉祀金鋪勑名建福義何居乎蓋是地也圍於宮  
墻而弗加擴卑於路寢而弗增華畏炎歎之相逼乃託興  
於清嘉儉不至陋幽而匪遐況在重華之右

重華宮朕舊  
居也在新宮

左之興慶之宮未費司農之帑何勞庶民之攻經之營

之募千夫而齊力如松如竹閱數月而成功於是殿方馭

娑宮比駘盪長春長樂披青簡而空傳太和保和凭朱欄

而相望千門萬戶兮笑漢制之太奢茅茨土階兮欽堯儉

之堪尚軒號靜怡兮期成性之常存齋名敬勝兮恐舉念

之或妄亭顏惠風兮欲膏澤之旁敷閣扁延春兮與羣生

而咸暢觸目警心兮守此志而始終居安思危兮常厘懷

而籌量爾其文石矗立嘉木叢生羅芝田兮蕙畹來燕賀

兮鶯鳴披薰風兮思解慍對時雨兮樂向榮觀太守兮調

元化育萬物兮驗農耕又何必焚隋廷之甲煎樹漢苑之  
金莖歌陳宮之玉樹聽唐曲之新聲而始稱悅情也哉於  
時而春覽生意而欣欣於時而夏遠煩暑而灑灑乃其秋  
也偉西成之可慶乃其冬也體貞元之凝命載色載笑奉  
慈闈而承歡來游來歌與良臣而交儆於以承

先厘肯構而勿忘於以示後庶斯言之是聽重曰洪範有  
言欽時五福敷錫庶民與時茂育予宅是居心乎肅肅受  
天之祐匪藉田燭建民之極匪侈華屋繼繩



光烈對越於穆進賢納諫懲惡旌淑志苟懷安是謂不  
穀尚慎旃哉永膺

天祿

盛京賦

有序

嘗聞以父母之心為心者天下無不友之兄弟以  
祖宗之心為心者天下無不睦之族人以天地之  
心為心者天下無不愛之民物斯言也人盡宜勉  
而所繫於為人君者尤重然三語之中又惟以祖

宗之心為心居其要焉蓋以祖宗之心為心則必  
思開初之維艱知守成之不易兢兢業業畏天愛  
人於是刑兄弟而御家邦斯以父母之心為心也  
民同胞而物吾與斯以天地之心為心也孔子曰  
明乎郊社之禮禘嘗之義治國其如示諸掌乎宗  
廟禘嘗之典固先王繼志述事之大經也然自聖  
人象大過肇封樹以來上陵之制漢代已然我國  
家肇興盛京邠岐之地橋山在焉昔

皇祖六十一年之間三謁

丹陵用展孝敬

皇考在位百度維新日不暇給適西鄙有事徵役已勞

又

藩邸時曾奉

皇祖命往謁

祖陵是以十有三年中未舉是典予小子纘承丕基懼

德弗嗣深惟

祖宗締構之勤日有孜孜敬奉神器言念盛京為天作之基

永陵

福陵

昭陵巍然在望不躬親祀事其奚以攄懃忱而示來許爰以乾隆癸亥秋恭奉

皇太后發輶京師屆我陪都孝思以申

祖武是仰因周覽山川之渾厚民物之樸淳穀土之沃

肥百昌之繁廡洵乎天府之國興王之會也昔幽  
居相度名頌公劉岐宅作屏周歌大王莫不於  
上帝之監觀下民之君宗三致意焉故物以賦顯事以  
頌宣既見於斯豈默於言乎遂作賦曰

歲大淵獻時旦柳中協律無射辨方庚辛厯吉日以建  
旗駕應龍之銖鑿紛瀕序蕤蛇蛇旌雄虹橦鳴鳶周乎神  
臯之壤屈乎箕尾之躔循我留都殺裡

珠丘懷精氣仰

德流既備既申乃御黼座而覲臣僚維締造之彌艱撫  
草創之鴻圖曰於休哉是蓋突載莛之子殷躡宅錫之  
姬周憑虛致譏於東約安處薦誚於西踰下此離為十  
二之國合為六七之侯鼎立瓜分者益瑣纖芳魄不足  
以殫攄而孟堅平子太冲者倫方且艷陳嶠函隴坻之  
隘鹽池墨井之腴朽詣天梁之麗三條五劇之區極鋪  
張以詭辨彼何辭廼稱諸奚侔夫天作之皇宅又何藉  
葺宏與魏舒於是諮文獻攷圖冊不慙不文爰賦其畧

聚精構思挂一漏百粵我清初肇長白山扶輿所鍾不  
顯不靈周八十里潭曰閨門鴨綠混同愛渚三江出焉  
帝女天妹朱果是吞爰生

聖子

帝用錫以姓曰覺羅而徽其稱曰愛新是翦是除匪安  
匪康乃有葉赫輝發界蕃撫順遂築城於遼陽以為東  
國之宗

天篤其祜載恢厥功天命十年相險宅中謂瀋陽為王

氣所聚乃建盛京而俯關西故言其封域則雖始自秦漢歷隋唐以迄遼金歟而舉其規模則維新

皇運膺靈佑之獨深也仰符十度之尾實臨析木之津得雲漢之所垂維北極之所鄰亦何異乎召伯相宅卜惟洛食奉春建策留侯演成哉於是乎左挾朝鮮右據山海北屏白山南帶遼水滄溟為池澎湃溫漚流湯湯赴瀾瀾撒澆洶迴渾漾浴日沃星莫測其始東盡使犬之部朔連牧羊之鄙啓我謨輝之原擴我鄂多之址高



燥埤濕原田每每走大野而拱太室者萬有餘里其山  
則鐵嶺繡嶺平頂降龍木查石門東水南雙臺竭嶺聚  
葱麥嶺兮方則嵌子頃峒削兮巖壑律子塘翁蔽虧日  
月源流湖江既孕奇而盤鬱亦含秀而隆宗故夫四蹄  
雙羽之族長林豐草之衆無不博產乎其中蹄類則虎  
豹熊羆野馬野驃鹿麋麇狼豺封駝狐狸獾貉跳兔婆  
娑鼯鼯艾虎貂鼠輕嘉其他牛馬羊豕之資以日用者蓋  
填閭巷而烝寢訛羽類則野雞沙雞鶩鴨青鸕鵒鶴禿

鷺維鷗在梁縮脖鳩燕啄木鵲鷓鴣鷓鴣紅牙商倉  
黃鶴鼠化白雁霜橫曰海東青出黑龍江林擊則天鷲  
禿魄旬搏則窟兔走僵其他鴿雀銅嘴桃蟲鴛鴦鴛鴦  
紛泊騰軼翱翔其草則蒿艾香蒲蘆葦蕭荻章茅水葱  
紅藍綬鷓鴣馬蘭知時木槿紀節厥惟人參三桮五葉氣  
稟地靈功符陰陽商陸茵陳篇蓄葶藶蠱實兔絲均能  
已疾其林則五鍼之松萬年之栢重障隱天幽林蔽澤  
挺崇槐之曾青蔭柅柳之濃碧大椿以八千為春壽櫟



田上中厥壤惟平抱海負蓋跨遼欲宣渾河為帶興京  
為襟袞復陸而坦坦魑拓落而芸芸偉嘉禎之萃蒼信  
索籥之絃緼

帝眷東顧用昇皇清而為萬載之沛豐若其測圭臬度  
廣輪依繩尺疏渠川歌經始詠攸寧又可畧聞矣天命  
天聰丕顯丕繼因其舊藩拓我新制規天矩地嚮明授  
時增八門之詠蕩脅九達之邇迤翼翼俾倪宮宮堞雉  
起

園丘於郊南單墀垣之潔祕欽柴颺楨陳玉薦幣鼓雲  
和升繭粟以邀肝蠶而昭祀事霜露在履春秋聿遷愍  
乎僇乎聳裡閔宮滌濯毛魚玄酒太羹

文祖

神宗爰歆於斯符帝車之太乙正王宮於未央重三殿  
之實枚表雙闕於闔閭闕名維何文德武功殿名維何  
崇政建中高樓望氛厥題鳳皇後宮紫極交泰清寧闕  
睢麟趾化洽家邦維樸而安乃聳而減豈其工槐檻之

刻鏤宣其飾榱橑之焜煌豈其䟽龍首之岷嶺豈其叛  
鳳翼之昂藏匪有心於儉約乃潛揆夫陶唐大政當陽  
十亭雁行爰諏爰度日贊日襄吉君臣之一德而擴我  
闔於八荒正號紀元以受天慶於是定兩翼之位列八  
旗之方黃白紅藍有正有鑲法其象於河鼓則其數於  
義經神其變於三五握其竒於九宮

大聖創制動協天象是猶易之書契乃觀蹄迹焉樹以  
屏翰馭輕居重本支百世昌我宗潢佐命之勲曰費英

東顧都希福績茂蕭張曰有坐謀曰有折衝既彬彬而  
濟濟亦赳赳而彭彭其餘附鳳而攀龍者蓋車載與斗  
量爰制國書聿興文教演義譯音物取其肖允維大海  
克稱檢校雖絕域其必通即纖故其亦貌若夫人自為  
戰王者無敵角嚴則百壙失憑旌揮則三邊定檄義不  
返顧勇不重辟是以救四海而莫撓亘千古而鮮匹故  
班錄於累世用以酬夫勞績及其斗杓北指涉冬背秋  
爰狩中原我戎是修靡虹采裊蛺旂拖霧纛建雲旂後

屬車前導游乘我良產屏彼彫輶右忘歸之箭勁左繁  
弱之弓柔倩洎而雷動鴻網而星流又何必王良執轡  
纖阿御輶也哉於是帶甲之士百萬盡發鷹犬而驟驂  
騶卑泰山之為櫓跨渤海以張果林林裔裔列列裒裒  
命地而後中應聲而先掇散埜麋之羣友剔穴狸之伏  
留駭獻麋之儵俟驚郊兔之佻偷既肩脩指倦而麋麋  
之羣猶緣陵蔽野比夏草之稠焉爰用三驅示無盡劉  
更命羽林飲飛之士手豹尾踞虎頭搏洞熊殲澤獲觀



壯夫之鶴躍快猛獸之軀腰乃獻我成禽舍彼踐毛擇其上殺允惟左膘以奉

宗廟乾豆亨魚次充賓客乃薦君庖班獲行賞訖乎輿僚是蓋因天地之利習軍旅之勞戰則克而祭受福古者蒐苗獮狩之禮所為昭詎其害三時之土穀奪百姓之腴膏蹂桑柘之地廣虞獵之郊如子虛上林之所嘲也哉將將蕃后夔夔列君奉贄來朝齋邀侍宸或稽首而請聘或傾心而納姻於是樂以九奏饗以八珍邁呼

韓之朝天踰頡利之舞庭合內外為一家自我

祖而已然坳牧之宜曰大凌河亘肥壤之博衍茁靈草  
之敷披夏蚊避境春泉漾波是以駟駟之牧蕃孳孔多  
爾其驪驕駢駢騊駼駟駟駟駟駟駟駟駟駟駟駟駟駟  
駟或行而駟惟致遠之有賴亦揚威之無過畿甸既闢  
農桑是咨爰飭田畯爰勵甸師物早晚之種辨高下之  
宜男則耕耘是務女則織紵是謀抑工商之末業勤衣  
食之本圖故深耕易耨穀用滋也九夏三耘免汙萊也

雨我公田遂及私也序我錢鎛鉅艾時也我簋斯盛實  
佳粢也我倉如陵庾如坻也服尚布棉奚纖美也器用  
陶匏戒奢靡也土物是受神降嘉生黍惟秬秠稻惟糯  
秔粟惟糜芑梁惟白黃解蠡胡麻來年鈴鐺蘇分紫赤  
豆有豌豉蔬則芸薹薤蒜蘿蔔韭蔥蒹蒿蒲筍紫萁苕  
香壺盧蔓菁蒿苳葵蘆鮮不旆旆穰穰嗉嗉蒙蒙驛驛  
厭厭緜緜穰穰惟脉土之獨純斯穡事之孔良農隙教  
戰守禦相望國以殷富兵以盛彊鬱葱佳氣盤礴無垠

民風噩噩伋自然休有

烈光格于

皇天

上帝其子之維有厯年是以我

世祖因人心之歸清順天意之厭明掃驅除之閏位統  
子弟之精兵無亡矢遺鏃之費而膺圖正位乎燕京蓋  
嘗攷千古之興替稽百代之厯數拒符瑞之難諶信仁  
義之堪守斥逐鹿之蠱說審神器之有授乃知

帝命不時眷清孔厚也不有開之何以培之不有作之  
何以得之夫其披荆棘冒氛霾歷艱辛躬利害無嬖代  
之迹而受車書之來者蓋書所謂于湯有光詩所謂民  
之攸歸矣皇矣陪都實惟帝鄉乃命秉鉞之帥乃置五  
部之卿民安郡縣旗樂屯莊春秋耕歛我倉我箱朝會  
朔望躋躋踰踰昭萬年之有道卜百世之靈長乃作頌  
曰

於鑠盛京惟藩之陽大山廣川作觀萬方虎踞龍蟠紫

縣浩穰爰浚周池爰築長墉法天則地陽耀陰藏貨別  
隧分旗亭五重神基崇俊帝系縣昌周曰邠岐漢惟豐  
沛白水慶善興王之會長白隆隆滄溟滅滅形勝之選  
奕世永賴俯臨區夏襟控中外休養百年既豐而泰溯  
其始謀繼序敢懈昔我

聖祖三至斯土琴麗六飛森沉萬旅孔碩九重不遑安  
處祇謁

山陵亦臨朝寧置酒故宮用酌父老乃霈恩施逮乎編

戶匪勤於巡良慕乎古閔予弗德實纘丕基歲時

太廟陟降格思緬仰

鼎湖惟瞻惟依荷

天之龍際時之和駕言徂東絡繹羽儀風舉雲搖鱗萃  
魚麗我賓我臣我行是隨載至神鄉載覲

圉寢靈鬱崇輝祥凝巨瀋原廟衣冠霸陵衾枕松栢雲  
縵溪池流淦盪滌洪鑪陶甄羣品石馬悲風淚泉沾衽  
豈必羹牆一氣是稟聿造故宮故宮赫赫聿升太階太

階奕奕無彩之飾惟厚之積皜曜醜照歛輭烏赤左城  
右平坤闔乾闢土壁葛燈遐哉儉德詒我孫謀萬年之  
宅乃開南端設席肆筵爰爵周親及彼鵷鸞南陽故舊  
洒如言言惟此嘉師

列祖之臣是噢是咻是貽我躬敬之敬之翼翼惴惴於  
億萬歲皇圖永綿

御製文初集卷二十三



欽定四庫全書薈要卷一萬三千二百六十三

集部

御製文初集卷二十四

賦

冰嬉賦

有序

陸行之疾者吾知其為馬水行之疾者吾知其為  
舟為魚雲行之疾者吾知其為鵬鵬鵬至於冰  
則向之族莫不蹙蹙膠滯滑擦而莫能施其技國  
俗有冰嬉者護膝以帑牢鞵以韋或底含雙齒使

齧凌而人不踣焉或薦鐵如刀使踐冰而步逾疾  
焉較東坡志林所稱更為輕利便捷惜自古無賦  
者故賦之其辭云

歲暮星窮和叔告冬陰凝北陸律中黃鐘景長而土圭  
可測瑞兆而雲物皆同撫序兮羣辟殷聘考時兮三農  
歲功有厲疾之征鳥鮮求信之蟄蟲叫嚴飈兮栗烈凜  
肅氣兮穹窿於斯時也火井無燠溫泉不熱何水不凝  
何波不結阻平川之會海徒望旛漆勒奔峽之傾流惟

聞幽咽漸盈九曲謝神禹之剔髮凍合三山駐王喬之  
旌節躍魚之表孝曾傳覆鳥之昭祥見說則有鏡呈太  
液壁寫龍池占昏危之應宿值顓頊之司時沍而不流  
兮礙矜鱗之鯉凝而原澈兮踈倒影之梅叶皓皓皚皚  
兮映白塔之孤矗瀟瀟泠泠兮隔玉竦之橫歌載取載  
藏兮順彼月令以訓以賚兮陳我氷嬉爰荅歲華率循  
舊典陳旅集衆既雷動而風行結部整行埒春蒐而秋  
獮玄冥授律戢水族與波臣蚩尤秉旗乃暴禦而崇遣

於是戎士憑怒武卒振拳渴思一試遑慮誰先齊搏搏  
其轡轡兮眎陸離以屬聯駭營營其必路兮紛傑僂以  
羅駢袒劉呂之左右兮各殊事以布班脩陰陽之閉闔  
兮期奏績以勤宣衣短後矚蔽前韡齒雙利鞬刀兩儼  
編伍森列齊隊便旋於斯少息以待號令之傳焉爾其  
屯萬人於中堅兮屬堪輿以辟壘奔八神以周衛兮招  
丁甲而發指亘長絙以節止兮羣總總而切儼驛綵旌  
以傳符兮看縱縱之立俟心無別營目不他視遂乃朱

旂颭捷步騰縵衣揚輕武鬢聳擢布獲厖逐趨跼沮  
波流螭軼焱驚閃如曳電疾若奔星蹂蹈雲衢揚揮玉  
京故其為聲也軋磔隱訇礮礮激越砉砰殷鞞襍沓震  
疊營振天棖響旬地臬惛波底之嫵隅墮林間之巢鶻  
玄武縮殼而屏氣燭龍守珠而閉闕起湧泉會奔物雖  
天籟之毫竅比千鈞於一髮其為狀也似東皇整駕於  
若木之墟羲帝弭節於扶桑之津應真掛錫以凌虛茅  
君驂龍以班天叶過騏羣而駿足搶捍上扶搖而鵬翼

圖南叶 螭畧迴翔演沲糾紛鏡大圓而晶晶晶珠萬

琲而爛爛璘璘交差曼衍厯落鉞鱗突都盧兮輕趨迅

龍驤兮麟振奕六虬兮沛艾御八風兮穆眈首進者卻

視而小憩繼至者錯履而蹙跟虞後來之比肩更前往

而擢身傑者得幟疇與比倫遺者失志第如逡巡復有

草戲其名圓鞠漢家有執機之譬黃帝作練戎之俗武

由是習兮其爭也君子好謀而成兮如祭則受福申明

誓兮衆聽無譁陳廣場兮各司其局乃其冰牀駐於琉

璃之界豹尾扈於鸞鷟之隈千官儼立於懸圃萬隊佇  
待乎瑤階厯天之旗影捎朶殿昭雲之蓋光燭趙臺殆  
而容與愬若徬徨執事者中立而不倚爭捷者有前而  
無回珠毬一擲虎旅紛來思摘月兮廣寒之窟齊趨星  
兮白榆之街未拂地兮上起忽從空兮下迴突神龍之  
變化粧祥鳳之髣髴鸛鵲燕居姍媚鴻猜怡情悅目有  
如是哉夫其伯仲分甲乙第併前行賞縱後亦逮叶勇  
者特旌任者均賜普被曰仁有差曰義則豈啻西苑飾

紅板之柁溫泉設錦鞍之戲而已乎重曰仲尼有言射  
觀德兮安不忘危舊是式兮惟歲之宴以休以息兮一  
日之樂匪賚曷得兮敬告後人無或逾則兮

述悲賦

有序

乾隆十有三年春車駕幸山左禮成返蹕

皇后以三月十有一日崩於德州舟次星夜解維兼  
程旋軫歸殯於長春宮奉遷於觀德殿喪儀有制  
時日如流觸緒增悲非文奚述感孫楚除服之篇



效潘岳悼亡之作用緣情而遣藻聊寫恨於哀絃  
賦曰

易何以首乾坤詩何以首關雎惟人倫之伊始固天儷  
之與齊念

懿后之作配廿二年而於斯痛一旦之永訣隔陰陽而  
莫知昔

皇考之命偶用掄德於名門俾逮予而尸藻定嘉禮於  
渭濱在青宮而養德即治壺而淑身縱糟糠之未厯實

同甘而共辛乃其正位坤寧克贊乾清奉

慈闈之溫清為九御之儀刑克儉於家爰始繅絲而育

繭克勤於邦亦知較雨而量晴嗟予命之不振兮痛元

嫡之連棄致黯然以內傷兮遂邈爾而長逝撫諸子如

一出兮豈彼此之分視叶值乖舛之疊邁兮誰不增夫

怨懟况顧予之傷悼兮更怵悵而切意尚強歡以相慰

兮每禁情而制淚制淚兮淚滴襟強歡兮歡匪心聿當

春而啟轡隨予駕以東臨抱輕疾兮念衆勞促歸程兮

大故遭登舫兮陳翟禕由潞河兮返內朝去內朝兮  
時未幾致邂逅兮怨無已切自尤兮不可追論生平兮  
定於此影與形兮難去一居忽忽兮如有失對嬪嬙兮  
想芳型顧和敬兮憐弱質望湘浦兮何先徂求北海兮  
乏神術循喪儀兮愴徒然例展禽兮謚

孝賢思遺微之莫盡兮詎兩字之能宣包四德而首出  
兮謂兩字之可傳驚時序之代謝兮屈十旬而迅如賭  
新昌而增慟兮陳舊物而憶初亦有時而暫弭兮旋觸

緒而歎歎信人生之如夢兮了萬事之皆虛嗚呼悲莫  
悲兮生別離失內佐兮孰予隨入椒房兮闕寂披鳳幄  
兮空垂春風秋月兮盡於此矣夏日冬夜兮知復何時

哨鹿賦

有序

賦者古詩之流詩以言志其有不能盡言之志則  
賦可以申之我

皇祖昔喜哨鹿朕冲齡隨侍習聞其事年來乃親試為  
之嘉其有合於聖經顧古人無賦之者故不愧無

文其辭曰

伊白露宵中之候正伊尼孳尾之時生不息焉洪鈞運

而誰測物雖蠢也氣機至而咸知故三序春夏冬則牝牡

各從其類謂牝隨牝羣  
牡逐牡侶惟中去聲秋斯牝牡各媿其妃牝謂

各分羣而匹壯强有力者不惟挾兩而累十弱無能者或乏獨

匹以相隨或依林而命侶或據嶺而分畿或悍害而傲

衆或謹守而自持或豪效而攘彼或竊取以私其萬態

紛其莫窮一以音而宣之於是虞人善因聲以察情爰

體情以數聲喜金風之颯爽值玉宇之晶明霜重而不

言其冷露濃而那覺其零陵嶮巖而如登衽席冒蒙茸

而不異戶庭慮吾遊之晏起虞原獸之急鳴

鹿迨晨則  
懶鳴哨亦

不進故哨鹿者恒  
於未曙前即往

夙戎僕而携從欣戴月而披星舍彼

寬衣宜茲短服荷長哨於左肩

以木為哨鹿之  
具呦呦以鳴

出象首

於右麓

象鹿之首人戴  
之則鹿不疑

躡嶒陟峻沿谿穿谷攀蘿兮豈

辭胼手履石兮何妨馘足盖以暢茲心神詎惟饗其口

腹於焉楚乎崔嵬軼彼參差上千丹楓之巘下視白雲

之隈上風餐切之避忌陽林晃耀則紆迴就叢薄之蔽  
翳反獺裘而造惇衆條理焉畢會乃得傑雄之爭匹者  
吻踉蹌而徐來角八叉兮嶷嶷耳雙聳兮濕濕挺強項  
兮莫櫻蠱靈臯兮善馭始嚇侶兮自閑乃妬異兮矜急  
既澁澁兮疾赴復驚驚兮少戢蓋屢試兮絕猜遂銳志  
兮直入爾其動林無形匪風有響適其將至撒爾懼往  
奮角思觸瀏睨爭長則在夫能哨者善達變以隨機比  
用中而執兩或激其怒兮使進或示以弱兮令放惟察

情之喜怒乃應聲為低仰盖用心於既專斯通靈而不  
爽既然矣無動無慮不徐不遽驀厯合之前陳陡應叱  
而少住屏營收息量卑揣高傍斗窺星

鎔上施星斗  
所以審高低

度

分以毫審度發機馥焉中膏命處擇肥登於大庖若夫  
多疑旁剔既進中止膽劣心狷狐猜狼視未交戰而長  
跳毆叢樾而如駛則亦比之窮寇之莫追又何必焚林  
而盡取哉盖嘗研精哨鹿之理而知五德焉取一以新  
匪二以頻仁也逆者斃之去者寘之義也爰登簠簋爰



嘏福履禮也招之即至獲之即遂智也呼哨以進射宿  
凜訓信也如是者盖有合於聖人之洪道而又豈潘岳  
耽盤流遁之所誠相如子虛上林之所嘲也哉

靈珀賦

繫靈珀之凝質稟粹氣於先天外標黃而潤玉中含金  
而吐蓮知四時以榮謝隨一氣為轉旋陽始生而藥張  
聲陰漸長而葩零叶比堯階之蓂莢符舜陞之璣璿雖

異物之弗寶亦佳徵之賴傳葆法官以協時爰紀實於

斯篇

夜亮木賦

東坡先生謫居黃州蠻烟瘴雨之鄉不改其樂青瑣玉  
堂之側敢忘其憂則施施而行舒舒而遊惟木石之與  
居亦鹿豕而為儔一日者入深林窮迴谿蒼然其暝不  
辨東西覩一物焉晶晶熒熒燦燦離離匪鮫人之宮宛  
呈火齊豈天祿之閣乃示燃藜遠而眎之謝鶴鯀之布  
煖暱而迫之肖螢火之生輝是何繼明之屬而光恠若

是其離奇也哉於是徙倚徬徨瞻矚審詳厥有卧木於  
河之陽生意已盡葉落枝僵皮膚瓦裂癭瘤土囊木魅  
之所擲榆山精之所潛藏千齡寂滅萬古荒涼雖有九  
轉之丹祖洲之草不能起其生機豈復冀其妍好是固  
匠石之所棄顧漆園徒資諧喻棟梁弗任繩墨乖度永  
辭剖剝不受丹腹埋沒沉淪訖無用處乃其日月駐照  
雨露垂滋豈有取舍不分公私否之極者泰斯復暗之  
盡者彰亦隨則見夫微微耀吐熠熠精發含陰火之怫

鬱比木難之燭蔚可以奪車子之囊可以掩纖阿之闕  
失路者得津夜遊者棄燭文梓徒爾青牛貞松彼哉白  
鹿枯樹緬東陽之庭朽社託高橋之陸蘇子愀然扼腕  
竦立而歎曰木必先腐也而後蟲生之謂永世其無用  
而尚有自見之時況萬物之最靈豈終不及乎斯相隨  
二任顧而問焉是固極南麗明之區也若夫長城之北  
迤邐陰山人跡之所罕至鳥獸之所盤旋陽燄陰燐冰  
碎曦暄孕炭揚爚舒燭爭端不假人力豈伊火傳孰繼

其後孰啟其先蘇子失荅笑而弗言

南苑雙柳樹賦

廣甸春風躡春騎兮玉驄伊雙柳兮宿識欣向榮兮菁  
蔥念此地兮少遊緒紛觸兮吾衷昔曾損一獨樹孤蹤  
伊誰補種新匹舊同其舊復枯賓為主翁而何新賓代  
嬪莫窮樹不能言長言以通若夫東門徙期上林復起  
嵇康則夏月居之張緒則當年似已桓司馬之金城所  
種攀枝泣然陶淵明之彭澤所栽酬觴醺矣雖亨屯之

畧殊於未出乎情之所使也爾其枯楊生稊老夫得其  
女妻雖云過以相與何妨聊復宜之豈知夫何能故者  
曰世不再來者惟時則見牂牁老葉蕭蕭敗枝強搖金  
以梳風慢寫玉以臨池對嫩條而常覺忸忸憶昔侶而  
那置依依值秋風而不禁溘朝露而豈辭好事者憐之  
曰樹可亡也名不可亡也幻者常之幻也常者幻之常  
也乃復移植新者而使成雙焉蓋經余見者三十年之  
間新舊迭為賓主者凡三矣嗟夫舊閱新而成故故何

新之恒齊奇合偶而成雙雙何偶之弗離觀兩樹之如  
斯雖萬事其可知暮而隱几若有星宿之昆前而言曰  
大椿過八千朝槿榮其後是誰之詩乎曩何為而弗惜  
今何事而余悲乎且夫建木則大五千園蟠桃則歷九  
萬歲劫至數盈根蠹節痺不聞名以實傳實以名寄如  
兩樹之閱滄桑而永世焉昌昌生意未婆娑方來日月  
其正多不亡者存感則那言訖而去若尼拘使者之相  
過也

後哨鹿賦

或問哨鹿之時之法之義蓋已蘊賅前賦矣若夫冒凜冽之霜晨衝蒙翳之林薄踐岑寧之巉岑涉沮洳之幽壑十哨未必一來十來未必一獲獲乃心忻失斯興索多見其勞鮮聞其樂則何不張堂堂之圍按徐徐之度收藉藉之富免皇皇之譴而故為是寒征而曉作者何哉曰吁是何言耶是何言耶見土障葛燈而嗤為已過者非忘其先也耶逸則淫而勞則思季氏之婦猶聞之



固可弛其惕乾耶或曰惕乾者盖不若是矣意者慎大  
寶居法宮屏九御接三公劬農政熙天工豈謂當即鹿  
於隍中耶曰子知其一未知其二坐吾語汝賦以見意  
若夫高談堯舜深處廟廊文恬武嬉內弱外強孰不喜  
夫逸體而庸詎知其顏網也哉且也身歷其難者告之  
以人之難而知而不知人之餒者方謂何不食肉糜也  
是以神區天闢後法

先垂詰戎習衆謹度節時園以示正哨以出奇得之艱

者趣斯永躬其勞者樂亦隨蓋理境之當窮可絜矩而  
深思也於是秋本蕭辰塞猶淒所宵風定兮林靜曉月  
上兮山岵僊僊者妬羣俟俟者攜侶遵彼躑躑之蹊如  
或殷殷而佇吹長哨以通情似應聲而荅語去亦弗追  
來亦弗拒則有强者捍捩弱者趨趨猜者飄瞥怯者跼  
蹐忼慨者悵性昏瞶者糢糊雖人情之萬態亦奚有以  
異諸緣轆物來獲一勝百其來也亦惟去之是慮其獲  
也夫何失之足惜去與來固難期之儻然失與獲亦無

定之屢易吾因以叅如幻於現前受景光而為適也爾  
其間夜宵衣據鞍策馬萬帳燈明七萃聲寡是則始出  
營而覽離奇晃耀之狀也若夫炬影漸遠夜色猶暝岑  
嶺纔分林樹未形乍如夢遊玉樓十二仙人京乃其曉  
蟾初吐或半或圓隔葉瀲露度水翻瀾又如虹橋可躡  
徑欲造廣寒高山出雲雲去山在變幻頃刻步移觀改  
則何異夫黃山之海赤烏扶桑霧歛氛開玫瑰韎韐熊  
熊回回又奚數其初陽之臺於焉入深樾凌崇巒密密容

單騎踈見綠天千年落葉鱗緘谷填色作黃金風吹不  
翻臭如沉水履若屬氈亘徊乎靜真乎忽訝夫身入布  
地之園而伊尼之羣方且左右前後與人周旋失兮獲  
兮勞兮樂兮率已相忘於無何有之禪矣問者茫然不  
知所謂懣懣跼蹐唯唯而退

神樹賦

有序

永陵內

肇祖惟謹藏衣冠

興祖實奉安龍脈正中

景祖

顯祖昭穆左右

興祖寶鼎前生瑞榆一株輪囷盤鬱圓覆

佳城尊之曰

神樹敬為賦以紀之

懿乎

啓運之為山也分

長白之寵翰結秘

聖之神丘屏納綠窩集之瑞麓蒂蘇克蘇湖之祥流是  
以

橋山建門

原廟藏旒以祀以禋繇繼繩於奕代卜年卜世揚  
光烈於千秋爰生

神樹非栢非松根從天上分來想銀河之厯厯種豈人  
間所有鬱佳氣之葱葱前乎此者昭靈貺其若彼後乎

此者垂景佑於無窮儼若

帝謂東王木公曰赫圖阿喇

興王之里山聲告慶繁禋祉乎

丹陵河色呈榮郁英華乎白水宜有嘉蔭圓覆

鼎湖如繖如蓋為禎為符木公承命咨之女夷叶選材

去拓舉瑞得榆是誠兆大清之篤祐庇萬葉而多餘者  
也爾其天矯龍莖間阿蟠薄偃仰森沉離披錯落翩乎

軒庭紫鳳翔阿閣傑池蕊蒨綠翠丹黃參差杳靄雲日

風霜又如禹代御龍遊帝鄉夫其貝多菩提建木蟠桃  
荒唐謬悠增誕騰嘲至夫樗材散木枯樹浮槎玩世狎  
物寓意興嗟則何如徵實蹟於無數表庥應於有遐者  
哉乃作頌曰

巍巍

永陵興王都兮吉雲在上瀚扶疎兮與地同久霜露濡  
兮金幢玉節布以舒兮蔭暄承潤永劫俱兮數上聲葉億  
萬緜世如兮



樹根山子賦

古木之根幻而為山昔木也本託山以菟植今幻也乃  
借根以形存孰久孰暫誰主誰賓則見岬嶂磊砢傑池  
閤閤若太華之諸岑也拳曲盤坳戢齧嵒峭若岱嶽之  
五松也故乃神農甄四海之所遺白阜脈萬山而莫知  
莊樗惠匏張槐盧梨名斯紛矣質詎如斯別有淮南高  
蹈魯東隱淪望林壑而結念指雲壑以馳神蘇東坡之  
置几用壽弟轍庾新野之染翰託興仲文斯固閱桑田

而莫變逾火劫而留芬者矣

嘆夷齊松賦

有序

僧機圖嶺之下有喬松一根而二大榦向名之曰夷齊而繫以歌數歲未經此地今來則已燬於火焦株突兀尚存徘徊其側者久之因感而為之賦  
繫橫嶺之案衍舊傳名曰僧機盤羊腸而就下既南折而少西有喬松之鬱鬱昔號之以夷齊料名實其並壽豈焦爛之不期因循未過忽忽歲時重尋斯逕謂二老

之我溪遙瞻失望見枯株之獨遺徘徊落莫於悵吁嘻  
夫其挺根拔出庸詎畏沙石之堙剝既其摩空盤翠又  
寧慮霜雪之凌欺是以閱滄桑而永茂侶椿樗以無危  
擬西山其母忝槁東壁已有詞豈知火母惟木巽即鄰  
離匪牧童之偶失蓋谷神所默為爾其心空脈燥不燃  
自炊山雨不能息其燄谷風偏復煽其威吾雖未覩其  
焮焮陵坂之狀而早想見其灼熾枝葉之時也於是陳  
根突兀以孤立雙榦南北以紛披鱗甲剝落卧於巖陲

山禽尋巢而弗得原鹿擇陰以徒悲惜其淪於灰燼命  
以車而載之蓋其遭劫燂燬之餘猶足勝棟隆之吉而  
九牛領穿以難移者也嗟夫孰具形而無壞孰有成而  
弗隳孰云真之匪幻孰恒實之名隨羨枯樹之卓識更  
感歎其奚為然而少言之以八百為春秋者何一經詠  
纔周紀而頓毀敗其如斯

夷齊松歌作於  
丁卯今適週紀

宣二老有待

余之名題也既名立乃飄然返冲寞以無辭也抑謂名  
者喪實之具而有所弗居也將轉燄輪示第一義諦也

其既隳者斯已毀而弗再其不壞者固將同天地而並  
垂也知然而猶嘒嘒不已者豈非余之癡也耶

御製文初集卷二十四

欽定四庫全書薈要卷一萬三千二百六十四

集部

御製文初集卷二十五

連珠

恭祝

聖母皇太后七旬萬壽連珠

臣聞山川納祿厥彰祥源苞符延洪斯引福紀是以泰  
筴執契推貞恒於

璇庭洛文則書敷元吉於

瑶記

臣聞壬以任養乎物坤珍既闡申以重巽乎命天庥是滋是以璿流毓慶歲陽聿徵

大德金根兆祉支位用輯

繁禧

臣聞子半肇統斯天地見於復律元正候則鍾呂還為宮是以迎長日之至履端撓甲求中聲之先萌柢伶筭臣聞軒瑟調徽帝絃暢其醴攬羲畫觀象天數諧乎掛



揅是以上

瓊禕之曼壽探萬萬以介

大年潮錦悅之誕祥合五五乃叶

令節

臣聞一六乘數七得相生之始萬億基算十為遍成之  
積是以

寶錄駢美而凝祚辟諸章啟部元璣籥搏總以迓釐時  
其圖衍疇策

臣聞四府統元螺蠕懷而煦嫗五德盛木勾萌鬱以茂是以

承天育物則嘽嘽登春安土長人乃穰穰

綏壽

臣聞鴻化烟煴亭育博其愛醇意彌浹恩勤大其慈是以合萬國之歡惟殷祈頌依

三春之暉敢曰報施

臣聞融風翕習八紘欽於大順協氣氾濫六幕蒸為太

和是以挹

祥輝者式金玉之度誦

德音者譜韶韻之歌

臣聞燠沐垂溫布德孔時徽柔道訢孚心有惠是以

恩紀渥洽邇澤懷其子良慶駢豐施遯光函其愷悌

臣聞居敬直內允儼乎方儀作肅秉心載錫之純佑是以盤盂之琢由

戢孔訓而安珩璜之型惟

服周銘則壽

臣聞通復有源含萬而立幬載所積得一以凝是以德淵懇款為

聖人之本景撰悠遠惟

至誠之徵

臣聞符乾姁昊乃以時行齊日得天曰惟久照是以華鐘景興

躬表矱於求衣銅漏課勩先勛心於問燎

臣聞示本於俗太素扶其質崇儉於上皇風播其徽是以

訓垂國闡不侈屬軒之御道端

宸掖惟曳繻練之衣

臣聞霄雯佑德厖禔洽於化光虹樞迪熙醴粹孚乎旭  
卉是以篤

昊緯之祐靜言申虔稟

淵謐之集覆惟寅畏

臣聞有邵詒慶厥初顯昭周原建家克昌基本是以  
思齊式禮嗣音於徽牒懷福履綏纘順於

懿壺

臣聞坤輿厚載廣輪資其大生箕範敷錫繇條用以蕃  
庶是以

泰元富釐德亨乎品物圓舒麗象好從乎風雨

臣聞澍潤般裔鳴鼓時應甘滋震灑滿缶有吉是以撤  
琯御而節步速委雲於靈霑降鈿砌以達忱大嘉貺於

太乙

臣聞三益效功美利其溥六駟興事前典斯劬是以鞠  
衣時薦分繭練以令辰桑壇歲臨濯龍宣夫

徵詔

臣聞星軒承曜順彰皇闡蘭掖景化職樞彤史是以  
母範作則四教迪穆雍之祥內政式序九御憲令善之  
軌

臣聞文母貽緒麟振其趾幽室衍支瓜繇其猷是以

含長樂之飴兆千億以蕃盛環

大安之輿裕雲初而愉悅

臣聞族雲垂於霄堦陰匝磐石榮光燭於宿海潤盈玉  
潢是以爲善之樂甄埴乎

誼美展親之隆泳翱乎

德洋

臣聞蘋澗淑化漸訖九服雁塞熙度靖共六珈是以油

輶朝正拜



堯舜於宮楹殿燕喜合中外為家

臣聞鞮譯萬里宣徽則通淵窵億臣慕義斯至是以干  
呂入律占

慈仁而奉琛航解梯嶂聞

錫類而獻贄

臣聞卬籠雖嶢稜武可訾槃木雖獷嘉信所懷是以鏡  
碣櫓而鞠旅威暢符徵儔

璇略而底績格先干階

臣聞來庭聲功常武昔譜於乙亥歟闢拓疆都護初置  
以戊己是以掃伊犁之穴竹書紀而符吉銘格登之崖  
鴻稱熙而歸美

臣聞蒲類以西鑿空所未度蒙汜之濱仰流則偕徠是  
以橐弓定勲版圖既綜隸屬國磨盾告捷雲物乃象

禧觀臺

臣聞瑤池彈璫必陳充庭之樂蘭陞協律廣集介雅之  
章是以鞞轡新歌貢音於傑裔花門小部列伎於舞場

臣聞寶盈丹丘露甕瓊瓊玕蒼若水桂實纂纂是以于  
闐縑英三采則擢藥碧樹筠沖幽甘四核則扇芬萋草  
臣聞金萱榮庭億葉煌扈星筠周阿貫時專與是以敬  
高闐而翼祺則篤其慶鞏

慈宮以歛福有那其居

臣聞閭風暢於崑陵九光燭彩恒春藹於巒雉四序佇  
馥是以

西那所都松竹秩其芋寧

南陔載循堂室劑以涼燠

臣聞虞磬九成儀足節以樂心  
采綵五色舞爛編以隆  
養是以

鈞庭辨華進

千萬壽而燕衍曾城  
苕亭奏十二安而音鬯

臣聞履安之吉靜而充符恒固之應動若操券是以

頤性時泰備庥徵以用康

提躬日強叶亨衢以行健

臣聞萬八千歲之朔攝提貞孟三百六旬之首義和授圖是以朝元

長信率臣寮而拜闔闔上壽

慈寧具家慶而飴屠麻

臣聞搏桑曠溫候畧知<sub>言</sub>觚昭華棣通歛琯依永是以揣稱愛日駐輪於鼂陽怡

顏獻春調饀於初景

臣聞農祥慶其豐鳧藻翔洽夫億兆泰簇鳴其豫鳳噉

雖嗒乎二六是以洞庭斯張導蘇軒樞函堂用躋壯情  
文圖

臣聞鼇炬冠山爛若霞電龍燭輝夜燭如星虹是以月  
宇

嘉娛皎鶴騰上而扈扈霄崢麗賞火蛾綴空其熊熊  
臣聞蕤賓亭午引年以昌陽九節長羸殷仲延錄以雜  
組萬縷是以迴嶼艤鷁玉鱣羅於蓬池撒波躍龍金支  
賜於

華渚

臣聞洞淵之藹藹  
藹瑛琢其鄂  
昆流之苓窰  
窰珠垂其房  
是以

文疏引薰澤芝  
馡於五沃芳  
盥調露水  
瀉侑以千常

臣聞三五而盈  
璧爛朗乎澄  
顥八千為秋  
桂窅窅其古柯  
是以

慶霄延望舒之規  
琅磬鏘韻修齡酌  
臯塗之液  
金嬰穆波

臣聞菊潭滲甘滋其永年萸林綴朱佩以陽日是以芳醴鬯節則九英載馨粉餐飫豐則萬寶咸寔

臣聞玉積縣圃不若北陸沍澤鴻戲鏡海奚翅南溟培風是以太液磴即國俗循而習武嘉平儲與

慈憶莅而旌功

臣聞繚垣規園惟南乃以建其極襟苑宅奧非海莫能喻其大是以飲池鹿馴扈

斑麟之車比屋鱗次翼



儀鸞之蓋

臣聞高山天作度其隰原豐水東注自彼沮洳是以掖輦長白則駢苞之樹森遡澗混同則圓折之珠出

臣聞霞砂淩泉溫池滌熒雲根呀谷古嵐靈霽是以氣霽波灊

葆生之永既長翠積巖館

都福之庭斯在

臣聞脩序冲景暄清所以均節秀臯清區爽塏所以承

豫是以錘峯嘉涼升眺昭其宜鏡波澄華

憩遊得其助

臣聞懷瓊之獸呦而林衡告獮籥雲之駟同則圉奚載  
鑾是以

鏤象導夫金郊邁彼甫草玼庖尚以馨饒藐乎上蘭  
臣聞填星貫於中央標建珠緯窳門誅乎太室簡儲石  
函是以胥庭併瑞啓洞天之六

交路展衛呼曼齡者三

臣聞東為羣物之始虞狩肆覲岱惟方嶽之長魯瞻奄  
有是以青社班春詡蒼祇之榮滋日觀賓暘睇若華之  
曜久

臣聞岷江導源川增其長勾吳茂俗富煥於地是以藻  
舟翼泛櫂鼓奉

安念之祺鱗隰稱秀簷茨拜溫給之賜

臣聞東南之美竹箭櫛蠹斗牛之野桑麻鋪荼是以陟  
虎林而續湖則八繭摘錦臨樟亭而祝海則千巖蔚雲

臣聞臺懷懸居妙持清涼之宇室利演乘普現吉祥之  
雲是以曇霏金花寂上應瑞乎香界鬘涌寶亡無量同  
壽乎祕文

臣聞一和扶幹階符繁其蔭三雍育才鬻市榮其枝是  
以嘉植承楸乎絳旬協洽

開秩喬柯兆苑於豐雅棧樸誦詩

臣聞金方致環佻來琳館梁鄒即鹿祝陂畝丘是以

甲子周綺稱兕麋至於象譯庚辛媼純靈虜馴伏於塞

秋

臣聞鈞鈐之潤可以在玉衡之平旗翼之壽可以窺瑤光之正是以溟嶽和晏筦運乎

璇極盖與清怡囊括乎金鏡

臣聞豐融昱於穹宰而農扈告稔盈冲艸於柔祇而富媪披英是以陰陽區敷則調燭布其大洽柯穗埶墜則普淖誦其宗生

臣聞錫羨阜運則衢多期頤之嬉含淳敦風則居有萃

睦之協是以閩者脾樂皆

熙光所陶陝閭烝義實訢藹所浹

臣聞重光協乎鳳紀次先甲之三己盛苞乎星序際正  
陽之四是以嶠西

介景百昌若時而悉新弧南表瑞萬物成章以方熾

臣聞軒闥祚縣萬區陶珎於胸鼎祁幄社錫九寰斟醲  
乎衢尊是以景飈融貺

鏐檢躋而流慶

湛濯覃澤鵠書翔而逮恩

臣聞霽陰之垂不遺被褐祥風所灑暨乎室衡是以作  
人左右倬為章於壽考宣譽先後篤惟

德於周京

臣聞萬年賡麻拜嘉於召虎三壽頌眉延喜於子魚是  
以

第祿引康翹羽集彼藹吉熾昌式燕黃髮宜茲樂胥

臣聞以天下養者膺禔孔厚惟庶民從者歆愉大同是

以臺萊統

尊脆稱闐夫蒼赤川阜增嘏臚懽訖於瀛濛

臣聞大園彪列蘿圖輯於堯紀泰鴻環均藻華昌乎姬  
錄是以三光同衡以肇祚覲祥

袞增七政比躔以搞耀儷緯詞屬

臣聞象載斝斝九垓均禧偉兆郁郁億齡展盛是以游  
申無疆


慈善膺洪算之茂誕畀多益保佑錫



純嘏之慶



御製文初集卷二十五



總校官庶吉士

臣

張龍照

校對官庶吉士

臣

翟槐

膳錄監生

臣

溫之誠

欽定四庫全書薈要

集部

御製文初集卷二十八

六至

詳校官原任編修臣徐立綱



欽定四庫全書薈要卷一萬三千二百六十五

集部

御製文初集卷二十六

頌

老人星頌

金翼發南麗於南極聿瞻六星厥光燭絕比地凝精自  
天降祥乘白雲英來賁

壽康華髮童顛目光其紫彭祖成鳩猶然孫子有餘樂  
易不待將迎眉黎笑口如聞其聲

慶周花甲彩耀

萱闈於萬斯年視此頌辭

慈聖萬壽九如頌

有序

恭惟

聖母宗慶慈宣康惠敦和裕壽皇太后陛下

德駕二南

徽儀四表

凝符瀉汭位祿名以壽彌昌

衍慶岐山元亨利惟貞益固蓋綜百度於

慈訓爰綏六宮而內和從提抱以來

深恩鞠育暨蒞臨之後

懿範遵循鞏我不基均由

聖哲皇哉夏恢啓母允矣華翼湯孫漢明德之儉約難  
方宋宣仁之憂勤亦遜

六旬週甲

萬歲添籌

御殿含飴方物敷天之養奉觴上

壽家人主鬯之歡光

玉冊以

鴻稱播金聲於

盛典約六經之吉語達萬國之虔悃敬頌九如載申百  
拜

其一章曰

至哉



坤元易於萬斯年詩歛時五福書而百化興焉禮記

福履綏之詩照臨下土詩肅肅雍雍禮記禮義以為紀

禮記威莊而安孝慈而敬禮記以予小子書正家而天

下定矣易

### 其二章曰

顯顯

令德詩德音是茂詩遂布於三宮禮記以和長幼禮記

以親九族九族既睦書謙尊而光易穆穆皇皇詩言而

履之禮也行而樂之樂也禮記福祿來崇詩中心得叶

也易

其三章曰

元年春春秋即

命曰書天子親載耒耜禮記汝其敬書率作興事書維

九年書春日載陽詩又

曰書后妃齋戒親東鄉躬桑禮記以為黼黻文章禮記

冬祁寒夏暑雨書求民之莫詩以穀我士女詩

其四章曰

學于古訓

書

憲章

文武

禮記

教之誨之

詩是謂承天之祜

禮記

敬哉

書

因吉土以饗

帝於郊

禮記

敬哉

書

有事于

太廟

春秋

大蒐

春秋

巡侯甸

書

世德作求

詩

元子哉

書

我日斯邁而月斯征

詩

翕受敷

施

書

然後能使人

禮記

以三十年之通制國用

禮記

百

度惟貞

書

多文以為富

禮記

修辭立其誠

易視乃

烈祖

書

明德惟馨

書

其五章曰

天作高山

詩

繼序思不忘

詩

承天而時行

易

纘女維莘

詩

維十有三年春

書

至于岱宗

書

敬祀事

禮記

丕惟曰

書

品物咸亨

易

予惟不可不監

書

命有司發倉廩賜貧

窮

禮記

山川出雲

禮記

亦右

文母

詩

秋春秋

大有

易

厥篚檠綵

書

以介

眉壽詩

其六章曰

萬邦惟懷

書

我不敢知曰

書

厥惟艱哉

書

我出我車

詩

自彼氐羌

詩

至誠感神

書

聖謨洋洋

書

命之曰

書

中和之紀

禮記

曰仁與義

易義

以正之

禮記

天之所助者順也

易

仁以愛之

禮記

人之

所助者信也

易

七旬有苗格

書

實受其福

易

天地之大

德曰生

易

以綏後祿

詩

其七章曰

崧高維嶽

詩

如岱禮

書

南國是式

詩

淮海惟揚州

書

駕蒼龍

禮記

檜楫松舟

詩

三江既入

書

昞昞原隰

詩

何

蓑何笠

詩

南山有臺北山有萊

詩

桃始華

禮記

天降時

雨

禮記

楊柳依依

詩

有鶯其羽

詩

酌言獻之

詩

維筍及

蒲

詩

黻衣繡裳

詩

其惟

聖人乎

易

思媚

周姜

太姒嗣徽音詩以光大也垂裕後昆易書

其八章曰

修身及家均平天下禮記其旋元吉易俾緝熙于純嘏

詩甲子春秋復易自今以始詩百年曰期禮記惟曰欲

至于萬年書頤禮記頤貞吉易子子孫孫詩子孫千億

詩

其九章曰

十有六年春秋冬春秋十有一月春秋律中黃鍾禮記

萬壽無疆

詩

式燕且喜

詩

畢獻方物

書

小大稽首

詩

維

予小子

詩

拜手稽首曰

書

如山如阜如岡如陵如川之

方至如月之恒如日之升如南山之壽如松柏之茂

詩

掖

輦紀慶頌

有序

我

皇祖孝侍

兩宮於凡先意承歡冬溫夏清行樂宮中者無不極天



下之養示孫曾之則而

翠華巡省蓋無虛歲亦莫不虔奉

安輿

膝前娛志則又自古帝王奉東朝以申愛慕者所無有  
也予小子敬仰

前規惟懼弗紹

聖母皇太后亦以繼

祖烈恤民艱母忘我國家習勤詰武之規諄諄是訓踐

昨以來省方問俗必敬請

慈闈臨幸

皇太后怡顏首肯曰皇帝展義示度不宴息深宮予所喜也夫慶壽致誠宣德陪奉偶一行之書史稱美未聞教之鴻猷勗以義方如我

聖母者也而

大安所過無不詢稽事驗民俗老婦黃僮覲光莫禁賞沿於途周逮於富故凡額手而祝

大齡者人一其聲聲一其誠則知我

聖母萬萬壽無疆應於人情是徵敬以邇年侍

輦所歷稱頌八章詎能揚

德音於萬一用志欽

懿訓於弗諼若夫

壽康承慶

暢春行時率臣民而祝純禧攜孫曾以介眉壽曰暘曰

雨厓

慈懷隨地隨時聆

德誨芳溢彤管蓋不可殫述矣

松高申祝

喬嶽維崧宅是土中際時屢豐展義觀風聿奉

安輿聿遵伊洛黃雲擁途兆庶孔樂二室華蓋峻極于  
天祝我

聖母壽萬萬年聞呼者三艷彼史筆曷若我民口億聲

一

五臺禮佛

有蔚清涼甯殊示相琳宮鐘貝五頂相望緬我

皇祖龍馭載臨

聖日在天光照祇林肅肅葆羽翼翼

鸞輅言瞻臺懷言嗣

神武猊座蓮臺不可思議佑我

文母百福備致

盛京展謁

於鑠盛京崇基天作佳氣鬱葱周豐殷亳載畋北塞載  
莅陪都巍哉紫殿殷軫皇圖宗政清寧承  
歡廣宴賜復賜酺澤洽圻甸皇矣

祖德長發其祥燕翼垂庥

聖母之慶

岱嶽觀日

粵戊辰春駕言東巡既仰杏壇遂躋岱宗叶匪慕漢唐  
用事封禪以祝

洪釐介祉錫羨暎彼扶桑升於東溟芝童綠髮玉女雲  
輶

慈恩載普覃濟決魯戴我

文母式歌且舞

興安閱園

皇祖詒謀歲事秋獮並塞名王選徒屬韃於皇  
聖母法

祖是

勗金韜氣霽靈囿土沃爰命三虞爰整六飛殪虎洞麋  
周陟合圍暢城迢迢凌彼崇椒

顧之色喜

德音孔昭

金山渡江

於樂南國望幸有年載承

慈命來游來觀濟河涉淮慰彼傾心扶携扞躍總總林  
林川后靜波屏翳送帆京江灝泮浮玉嶸岵兆庶孔愉



伏牙

金輿頂祝

佛母香華載途

聖因視膳

載信吳閭子邁浙水佳麗明湖披圖可指瞻彼聖因  
聖蹟所留仰企

前微扶

輦春遊隄樹簇錦江潮曳練南屏窈窕兩峯葱蒨晨羞

日視宛若

宮庭以天下養勉紹

先型

江寧觀射

旋舫吳會言循江潁虎踞龍蟠鍾山玄武作鎮南服我  
旅我臣來觀

行殿翟第組紉聿敷

湛恩聿申

懿訓予所有事文揆武奮詰戎保泰仰承

聖慈超任越如福履永綏

箴

七情箴

喜

萬類靜觀意愜斯喜神動天隨油然難已宣心之和導  
氣之滯不極不淫歸於有制禮樂以飾百度惟熙樂以  
天下奉此無私

怒

相彼天道有溫有肅維人肖天喜怒倚伏情炎於中莫  
之敢觸所貴中節雷霆亦福嗃嗃毋過悻悻勿遷和厥  
心性以師聖賢

哀

宣文有言哀而不傷感物切慮如川有防當其一往湫  
愴懊咿罔識止節心悴神疲唯殺非正毀滅匪宜閑之  
以則庶無倚毗

懼

萬幾待理知懼鮮失業業兢兢一日二日馭朽為戒臨  
深是怵於昭上帝相在爾室式茲不聞所其無逸惟敬  
勝怠動獲貞吉

愛

人有秉彛徵於好德善善欲長賢賢易色所以孔子曰  
生也直疏亦不忘親亦不愜愛所當愛爵賞罔忒擴我  
天和容保萬國

惡

性本無為情生好惡俎徹鮑魚往訓攸著毋設成心因  
物以付智鏡在躬先覺有素郊遂是移僉壬必錯中正  
和平萬流景附

欲

養心有要道在寡欲從之則危淡泊宜勛緬維曩哲垂  
訓窒慾非禮必斥奉身如玉一人居高九有咸矚不邇  
不殖永保天祿

# 五事箴

懿戒有訓抑抑威儀洪範五事始貌終思動罔或愆敬  
義夾持作肅惟恭非禮弗為顧諟明命日監在茲輯柔  
爾顏友君子時屋漏有愧差之毫釐顯印令望夙夜是  
祇毋尚巖巖咫尺天威毋示弛弛右史有司溫恭允塞  
為德之基樹之軌範視此箴辭

## 右貌箴

恢恢寰宇一人是主維命靡常有德斯祐王言如綸被

乎下土無易由言惟敬作所彛訓聿昭四方是矩卓彼  
前王樹茲諫鼓柔亦不如剛亦不吐進彼嘉言袞闕堪  
補聲為之律毋逞喜怒白圭謹言玷不在鉅金人三緘  
非禮勿語從斯作又敬茲九五

右言箴

維目司視其德曰明明有由蔽物引欲萌伊古有訓五  
色目盲勿眩錦繡勤省農耕勿玩珠玉企望賢能知人  
則括體察物情曰視有要視於無形如水如鑑萬象自



呈靜虛動燭其本必清垂旒端冕儲神致精日月環照  
無幽弗瑩克艱厥后永正玉衡

右視箴

宣聖有言非禮勿聽矧維建極承天永命惟精惟一敬  
勝義勝何以達聰容納諫諍執兩用中旌賢表正既高  
乃聽亦遠彼佞五音耳亂樂必放鄭九歌驗民八風體  
政亦越卷阿矢音有詠雖隔九重而知民病雖聆萬言  
而執一柄毋俾聽熒尚其居敬

右聽箴

基命宥密厥惟思哉翼翼小心為德之茂是惟弗思思則弗回勿徇宴安而遺遠懷勿侈豫大而弛心齋貌恭言從匪思曷階視明聽聰惟思是裁無黨無偏惺惺靈臺勿縱其欲縱欲成災克己復禮四德具該朝斯夕斯天鑒恢恢告我後人皇圖永培

右思箴

養心殿四箴

集經書句各十六韻  
有序

我

皇考聖訓曰敬

天法

祖勤政親賢事祇四端義該萬理自古帝王莫不守此  
以治違此以亂予小子踐阼以來平旦莊誦惟日  
孜孜畏與年長會隨時觸爰集經書成句衍義綴  
辭各得十六韻入目警心既因自勵亦以昭示來  
許

敬

天箴

皇矣

上帝

詩

鑒觀四方

詩

昭假于下

詩

赫赫明明

詩

惟聖時

憲

書

承

天而時行

易

終日乾乾夕惕若

易

無怠無荒

書

畏

天之威

詩

勅

天之命

書

不顯亦臨

詩

俾爾彌爾性

詩

惟予一人

書

曷

其柰何弗敬書敬勝怠者吉義勝欲者從國語日日新

又日新禮記清明在躬禮記無然畔援無然歆羨詩昭

升于上書在止於至善禮記先

天而

天弗違後

天而奉

天時易我不敢知書我其夙夜詩念茲在茲書怵惕惟

厲書安而不忘危易於緝熙詩永言配命詩弼我不丕

基書

法

祖箴

明明我

祖書既受

帝祉

詩

我來自東

詩

永清四海

書

之綱之紀

詩

惟民所

止

詩

無忝

皇祖

詩

奉先思孝

書

作樂崇德

易

肅肅在廟

詩

春禘秋

嘗禮記思其所樂禮記

聖有謨訓書若日月之照臨書式如玉式如金左傳布

在方策禮記罔有不欽書峻命不易詩遺大投艱于朕

身書如親聽命禮記罔不惟德之勤書曰仁與義易迭

用柔剛易一張一弛禮記不愆不忘詩民可近不可下

書無教逸欲有邦書夙興夜寐詩其爾典常書

啓佑我後人書俾爾熾而昌詩

# 勤政箴

天行健

易

聖人則之

易

克綏厥猷惟后

書

一日二日萬

幾

書

罔遊于逸

書

庶績咸熙

書

曰予一人

禮記

昧爽丕

顯

左傳

與公卿大夫共飭國典

禮記

考禮正刑一德

禮

記

無敢不善

書

夙夜匪懈

詩

敷政優優

詩

惟幾惟康

書

斯謀斯猷

書

執事有恪

詩

亦又何求

詩

百工熙哉

書

獨不敢休

詩

綱紀四方

詩

惟皇作極

書

先之勞之

論語

不遑暇食

書

念之哉

書

業廣惟勤

書

勤則不匱

左傳

時

乃日新

書

承天之道

禮記

純亦不已

禮記

政貴有恒

書



慎終如始書

親賢箴

粵若稽古

書

明四目達四聰

書

論道經邦

書

謂之三公

周禮

三事大夫

詩

百辟卿士

詩

宣力四方

書

以佐天子

詩

惟后非賢不乂

書

其惟吉士

書

寤寐求之

詩

任賢勿

貳

書

靖共爾位

詩

期予于治

書

自朝至于日中昃

書

晝

日三接

易

若涉淵水

書

用汝作舟楫

書

臣哉鄰哉

書

尚

克相予

書

予其敷心腹腎腸

書

出入自爾師虞

書

假以

溢我

詩

我應受之

詩

用勦相我國家

書

邇可遠在茲

書

人亦有言

詩

惟治亂在庶官

書

所寶惟賢

書

惟一德一

心

書

欲至于萬年

書

御製文初集卷二十六

溢我

詩

我應受之

詩

用勩相我國家

書

邇可遠在茲

書

人亦有言

詩

惟治亂在庶官

書

所寶惟賢

書

惟一德一

心

書

欲至于萬年

書

御製文初集卷二十六